

劉文淇楚漢諸侯疆域志三卷

地82
877
部三

崇正煤陸
廣疆域
卷二

光緒丙子仲
夏刊於金陵

古人著書主於記載時事昭示錯置得失之理其不免於疏略者將使後人依類稽尋然有正求之不得則旁求之旁求之不得則互參之且博證之反覆詳盡務使數千年以上政令之跡如在今世此通儒之學也年丈劉孟瞻先生近世純粹而閎博之儒也所著楚漢諸侯疆域志三卷則以項王所王九郡史漢注無明文是正求之不得矣羽紀傳所記羽初起至於入關歸楚無從徵九郡之事故旁求之亦不得先生乃卽梁楚以求其疆班志以辨其域而九郡之界見更卽同時受封十八國以正其佩離之界互參博證而所解益明確而不誣先生之有功乙部豈在小司馬顏監下哉顧先生所言於秦三十六郡凡得其六曰東薛泗水碭會稽潁川於陳

志序

嬰事得東陽於高祖紀六年得鄣郟此皆秦楚之際分置者注皆言故有以也蓋由是而羽所據之九郡如睹司空之圖而昭然其曉余昔于役彭城偕府主歸值豐北河決不可行欲北傍運河又阻陸路坡阜不能達乃使從者視行李易小舟棹枯河中而自以輕車馳六日抵袁浦遲一月而書裝亦至其理殆於此方佛先生之子伯山余同歲生也伯山不幸今草已宿其門子恭甫將爲先生刊是書問序於余遂書此以歸之書引班志言趙地南至浮水浮水疑洹水之譌東平國下引太平元和二志按樂史言屬碭郡似隔秦東郡之濟陰不如吉甫言屬薛郡爲相近惜先生已往無從奉手請益矣光緒二年四月年家子江甯汪士鐸拜撰

楚漢諸侯疆域志卷一

儀徵劉文洪

項羽九郡

史記項羽本紀云項王自立為西楚霸王王九郡都彭城高祖本紀云項王自立為西楚霸王王梁楚地九郡都彭城漢書高祖紀及項羽列傳俱云羽自立為西楚霸王王梁楚地九郡都彭城自來注史記漢書者俱不釋九郡所在余按羽所王之九郡謂會稽郡故鄣郡故東陽郡泗水郡郟郡郚郡碭郡潁川郡東郡是也史記項羽本紀籍下相人漢臨淮郡楚漢之際其季父項梁殺人與籍避仇于吳中秦二世元年七月陳涉等起大澤中會稽守欲發兵召籍入籍擊斬守梁佩其

志一

一

印綬遂舉吳中兵徇下縣于是梁為會稽守籍為裨將漢書地理志謂會稽郡治吳元和郡縣志云秦置會稽郡二十六縣于吳項羽初起殺會稽太守殷通即此是項氏初起事時已得會稽郡矣羽本紀又云廣陵人召平為陳王徇廣陵未能下廣陵于楚漢之間為東陽郡聞陳王敗走秦兵又且至乃渡江矯陳王命拜梁為楚王上柱國曰江東已定急引兵西擊秦項梁乃以八千人渡江而西聞陳嬰已下東陽東陽縣漢屬臨淮郡楚漢之間屬東使使欲與連和俱西嬰以兵屬項梁項梁渡淮軍下邳屬秦秦嘉已立景駒為楚王軍彭城東欲距項梁梁乃進兵擊秦嘉秦嘉軍敗走彭城楚漢之閒屬泗水郡項梁乃引兵入郚屬秦項梁前使項羽別攻襄城堅守不下已拔皆阬之襄城屬潁川郡梁乃求

楚懷王孫心立以為楚王都盱台漢屬臨淮楚漢之間亦屬東陽郡項梁引

兵攻亢父屬東平國與齊田榮司馬龍且軍救東阿大破秦軍于

東阿屬東郡項梁起東阿西北至定陶屬濟陰郡楚漢之間亦屬東郡項梁死

羽引兵救鉅鹿大破秦軍行略定秦地函谷關有兵守關不

得入又聞沛公已破咸陽項羽大怒使當陽君等擊關項羽

遂入引兵西屠咸陽分天下立諸將為侯王漢之元年四月

諸侯罷戲下各就國漢之二年春漢王東伐楚項王南從魯

屬秦出胡陵屬山陽郡楚漢之間亦屬東郡四月漢皆已入彭城收其貨寶

美人日置酒高會項王乃西從蕭屬沛郡秦屬泗水郡晨擊漢軍漢軍

皆走楚起於彭城常乘勝逐北與漢戰滎陽南京索閒彭越

渡河擊楚東阿殺楚將軍薛公彭越數反梁地梁國故秦碭郡漢五

年漢王追項王至陽夏南屬淮陽國楚漢之間屬潁川郡止軍與韓信彭越

期會擊楚楚軍至固陵晉灼以為即固始屬淮陽國韓信彭越皆會垓下

徐廣曰在沛之浹縣按沛郡在秦為泗水郡項王潰圍南出至陰陵屬九江郡本屬九江郡

英布布降漢地屬項氏在九郡之外迷失道項王乃復引兵而東至東城屬臨淮郡

楚漢之間屬東陽郡漢軍圍之項王欲東渡烏江太平寰宇記云和州有烏江縣本秦烏江亭漢東城縣地

烏江亭長檣船待謂項王曰江東雖小地方千里眾

數十萬人亦足王也願大王急渡項王笑曰天之亡我我何

渡為且籍與江東子弟八千人渡江而西今無一人還縱江

東父兄憐而王我我何面目見之乃自刎而死項王已死楚

地皆降漢獨魯不下漢乃引天下兵欲屠之為其守禮義為

主死節乃持項王頭示魯魯父兄乃降始楚懷王初封項籍

為魯公及其死魯最後下故以魯公禮葬項王穀城皇覽曰項羽冢

在東郡穀城東去縣十五里太平寰宇記鄆州壽張縣漢為壽良縣屬東郡穀城山在邑界又東阿縣有故穀城在今縣東漢于此立縣後廢故城存漢書灌嬰列傳韓信使嬰別將

擊楚將公杲於魯北破之轉南破薛郡長攻博陽漢屬汝南郡前

至下相以東南僮取慮徐僅取慮徐三縣漢屬臨淮楚漢之間為東陽郡度淮盡降

其城邑至廣陵項羽使項聲薛公郊公復定淮北嬰度淮擊

破項聲郊公下邳斬薛公下下邳壽春屬九江郡擊破楚騎平陽

顏師古漢書注云此平陽在東郡按東郡有陽平無平陽遂降彭城虜柱國項佗降留薛

沛鄼蕭相凡六縣留漢屬楚國秦屬泗水郡攻苦譙苦縣漢屬淮陽

國譙漢屬沛郡秦屬泗水郡與漢王會頤鄉徐廣曰苦縣有頤鄉從擊項籍軍陳下

破之陳屬淮陽國項籍敗垓下去也嬰別追項籍至東城破之所

將卒五人共斬項籍下東城歷陽歷陽屬九江郡渡江破吳郡長吳

下得吳守吳郡即會稽郡遂定吳豫章會稽郡此吳謂縣非謂郡也漢書

地理志有會稽郡無吳郡地理志又云豫章郡高帝置錢坵云秦為廬江南部高帝六年分置也按黥布列傳漢王六年布遂剖符為淮南王都六九江廬江衡山豫章還定淮北凡

五十二縣周勃傳還守敖倉追籍籍已死因東定楚地泗水

東海凡得二十二縣泗水郡漢改沛郡東海郡本秦郟郡以上項羽本紀及灌

嬰周勃列傳所載楚漢戰爭之跡及漢所得楚地至為詳悉

合而觀之亦可略見羽所王九郡之地矣又按史記項羽本

紀漢王至固陵而信越之兵不會漢王謂張子房曰諸侯不

從約奈何對曰楚兵且破信越未有分地其不至固宜君王

能自陳以東傅海盡與韓信睢陽以北至穀城以與彭越睢陽

漢屬梁國秦屬碭郡穀城卽項羽所葬之穀城山漢屬濟陰郡後漢始立穀城縣使各自爲戰則楚

易敗也漢王曰善漢書高祖紀五年春正月下令曰楚地已
定義帝亡後欲存卹楚眾呂定其主齊王信習楚風俗更立
爲楚王王淮北都下邳魏相國建城侯彭越勤勞魏民卑下
士卒常呂少擊眾數破楚軍其呂魏故地王之號曰梁王都
定陶夫項羽王梁楚地九郡今以項羽所分楚地王韓信梁
地王彭越則項氏所得之九郡皆分與信越而信地又大於
越信得會稽東陽鄣郡泗水薛郡郟郡凡六郡越得碭郡潁
川東郡凡三郡故賈誼對文帝云大抵彊者先反淮陰王楚
最彊則最先反是也高祖本紀又云六年冬十月人告楚王
信謀反上會諸侯于陳楚王信迎謁因執之韓王信等奏請

呂故東陽郡鄣郡吳郡卽會稽郡五十三縣立劉賈爲荆王呂碭

郡薛郡郟郡三十六縣立弟文信君交爲楚王按碭郡誤當作泗水郡楚

元王交傳王薛郡東海彭城三十六縣東海本郟郡彭城本泗水郡地楚元王交傳漢元年旣

廢楚王信分其地爲二國立賈爲荆王交爲楚王王薛郡東

海彭城三十六縣先有功也然則楚王信所得六郡之地分

與荆王賈楚王交有明徵矣高祖本紀又云十一年三月梁

王彭越謀反夷三族詔曰擇可呂爲梁王淮陽王者燕王綰

相國何等請立子恢爲梁王子友爲淮陽王罷東郡潁益梁

罷潁川郡潁益淮陽按東郡潁川本秦所置郡梁國故秦碭

郡高帝五年爲梁國乃封越時所立淮陽國乃高帝十一年

所置在彭越旣誅之後太平寰宇記云陳州春秋時之陳國

後屬楚秦滅楚改爲潁川郡漢爲淮陽王國漢書地理志云山陽郡故梁景帝中六年別爲山陽國濟陰郡故梁景帝中六年別爲濟陰國東平國故梁景帝中六年別爲濟東國宣帝甘露二年爲東平國然則山陽濟陰東平皆梁地也太平寰宇記云濟州理鉅野縣郡理卽碭礮城地理志注碭礮古津也城名因字之秦爲東郡茌平縣地是山陽之鉅野在秦爲東郡地寰宇記又云濮州濮陽郡春秋時爲衛地秦滅濮陽併天下置三十六郡今州卽秦之東郡地在漢爲濟陰之鄆城縣是濟陰之鄆城亦爲秦東郡地寰宇記又云鄆州戰國時屬魏秦兼天下屬碭郡漢爲東平國是漢之東平在秦爲碭郡地以水道驗之應劭注地理志云濮水自濮陽南入

鉅野濮陽屬東郡鉅野屬山陽郡水經河水篇云河水東逕鄆城縣北又東逕范縣之秦亭西鄆城屬濟陰范縣屬東郡汶水篇汶水西南過平章縣南又西南過無鹽縣南又西南過壽張縣北平章無鹽屬東平壽張屬東郡則是東郡與山陽濟陰三郡地犬牙相錯皆梁地也漢書高祖本紀云張良謂高祖曰彭越本定梁地信家在楚其意欲復得故邑能出捐此地以許兩人使各自爲戰則楚易敗也彭越傳越昌邑人常往來爲漢游兵擊楚攻下睢陽外黃十七城復下昌邑旁二十餘城項籍死立越爲梁王都定陶是漢之山陽濟陰淮陽皆爲越有山陽濟陰在秦爲東郡地淮陽在秦爲潁川郡地秦之東郡兼有山陽濟陰地秦之潁川兼有淮陽國地

越所封地全得碭郡而於東郡僅得山陽濟陰於潁川僅得淮陽而不能全得東郡潁川地故彭越既誅漢以子恢為梁

王子友為淮陽王罷東郡頗益梁罷潁川郡頗益淮陽也錢

云高祖十一年罷東郡頗益梁罷潁川郡頗益淮陽者因立子恢為梁王友為淮陽王也然淮陽立二年即徙趙梁立十六年亦徙趙而志不言改置疑當時徑以二郡滋益二王實未除二郡之目徙國之後仍復還漢故不致詳焉然則

彭越所得三郡為碭郡東郡潁川郡無疑合之韓信所得六

郡共成九郡乃項羽所王之九郡也夫高祖所分巴蜀漢中

三郡之地僅四十一縣而項羽所王之九郡綜計二百四十

八縣亦足見項氏之強盛而卒為高祖所滅太史公所謂非

大聖孰能當此受命而帝者其信然已今舉項氏所王之九

郡依漢書地理志表之於左雖郡邑分并不必盡與志同如

志一

六

越所攻下之睢陽外黃十七城睢陽于漢屬梁國外黃於漢屬陳留地理志武帝元狩元年始置陳留郡其未置郡之先又隸別郡矣然亦可恠識其崖略焉

會稽郡 漢志云秦置高帝六年為荆國十二年更名吳縣

二十六

吳 曲阿 烏傷 毗陵 餘暨 陽羨 諸暨 無錫

山陰 丹徒 餘姚 婁 上虞 海鹽 剡 由拳

大末 烏程 句章 餘杭 鄞 錢唐 鄞 富春

治 回浦

鄣郡 漢志云丹揚郡故鄣郡屬江都謂以鄣郡屬江都易王國武帝元

封二年更名丹揚縣十七

宛陵 於替 江乘 春穀 秣陵 故鄣 句容 涇

丹揚 石城 胡孰 陵陽 蕪湖 黟 溧陽 歙
宣城

東陽郡 漢志云臨淮郡武帝元狩六年置縣二十九按元和郡縣志泗州徐城縣本徐子國周穆王殺偃王其子北徙彭城原東山之下百姓歸之號曰徐山楚漢之際項羽置東陽郡漢誅英布置徐縣屬臨淮郡

徐 取慮 淮浦 盱眙 朐猶 僮 射陽 開陽
贅其 高山 睢陵 鹽瀆 淮陰 淮陵 下相 富
陵 東陽 播旌 西平 高平 開陵 昌陽 廣平
蘭陽 襄平 海陵 輿 堂邑 樂陵

志一

七

國高帝六年屬荊州十一年更屬吳景帝四年更名江都武帝元狩三年更名廣陵縣四

廣陵 江都 高郵 平安

泗水郡 漢志云沛郡故秦泗水郡高帝更名縣三十七

相 龍亢 竹 穀陽 蕭 向 銍 廣戚 下蔡
豐 鄆 譙 蘄 朮 輒與 山桑 公丘 符離
敬丘 夏丘 浹 沛 芒 建成 城父 建平 鄴
栗 扶陽 高 高柴 溧陽 平阿 東鄉
溧本或作漂

臨都 義成 祁鄉

漢志云楚國高帝置宣帝地節元年更爲彭城郡黃龍元年復故縣七按元和郡縣志云徐州本禹貢徐州之域春

秋時爲宋滕薛小邾偃陽之地六國時屬楚秦并天下爲泗水郡楚懷王自盱眙徙都之後項羽遷懷王于郴自立爲西楚霸王又都于此漢改泗水郡爲沛又分沛郡立楚國寰宇記亦云秦併天下以彭城屬泗水郡

彭城 留 梧 傅陽 呂 武原 留 丘

邳郡 漢志云東海郡高帝置縣三十八應劭曰秦邳郡按元和郡縣志海州春秋時魯國之東鄙七國時屬楚秦置三十六郡以魯爲薛郡後分薛郡爲邳郡漢改邳郡爲東海郡

邳 蘭陵 襄賁 下邳 良成 平曲 戚 朐 開 陽 費 利成 海曲 蘭祺 繪 南成 山鄉 建鄉 卽 丘 祝其 臨沂 厚 丘 容 丘 東安 合鄉

志一

八

承 建陽 曲陽 司吾 于鄉 平曲 侯國郡有二平曲縣疑亦 時分封侯國有此例 都陽 陰平 郟鄉 武陽 新陽

建陵 昌慮 都平

漢志云泗水國故東海郡武帝元鼎四年別爲泗水國縣三按武帝時分東海郡三縣別爲泗水國則亦秦之邳郡也

凌 泗陽 于

薛郡 漢志云魯國故秦薛郡高后元年爲魯國縣六

魯 卞 汶陽 蕃 騶 薛

碭郡 漢志云梁國故秦碭郡高帝五年爲梁國縣八

碭 留 杼秋 蒙 已氏 虞 下邑 睢陽

漢志云東平國故梁國景帝中六年別爲濟東國武帝元
鼎元年爲大河郡宣帝甘露二年爲東平國縣七按太平
寰宇記鄆州戰國時屬魏秦兼天下屬碭郡漢爲東平國
元和郡縣志以爲秦屬薛郡非也

無鹽 任城 東平陸 富城 章 亢父 樊

潁川郡 漢志云秦置高帝五年爲韓國六年復故縣二十
按史記項羽紀韓王成因故都都陽翟又據漢志知成僅得
潁川郡之父城定陵襄城潁陽潁陰長社陽翟郟密高陽城
十縣餘仍屬潁川郡也說詳十八王分地

昆陽 新汲 郟 舞陽 許 僂陵 臨潁 成安
周承休 綸氏

志一

九

漢志云淮陽國高帝十一年置縣九按元和郡縣志陳州
本太皞之虛周武王時封媯滿于陳春秋時楚滅之秦滅
楚屬潁川郡漢高帝分潁川置淮陽國太平寰宇記云陳
州周初爲陳國楚惠王滅陳而其地盡爲楚有秦滅楚改
爲潁川郡漢爲淮陽國之地

陳 苦 陽夏 寧平 扶溝 固始 圉 新平 柘
東郡 漢志云秦置縣二十二

濮陽 畔觀 聊城 頓丘 發干 范 荏平 東武
陽 博平 黎 清 東阿 離狐 臨邑 利苗 須
昌 壽良 樂昌 陽平 白馬 南燕 廩丘

漢志云山陽郡故梁景帝中六年別爲山陽國武帝建元

五年別爲郡縣二十三太平寰宇記濟州理鉅野縣郡理
卽碣磈城地理志注碣磈古津也城名因字之秦爲東郡
荏平縣地

山陽漢昌邑南平陽 成武 湖陵 東緡 方與 橐

鉅陜 單父 薄 都關 城都 黃 爰戚 郟成

中鄉 平樂 鄭 瑕丘 留鄉 栗鄉 曲鄉 西陽

漢志云濟陰郡故梁景帝中六年別爲濟陰國縣九太平
寰宇記濮陽郡春秋時爲衛地秦滅濮陽併天下置三十
六郡今州秦之東郡地在漢爲濟陰郡之郵城縣是濟陰
亦秦之東郡地也

定陶 冤句 呂都 葭密 成陽 郵城 句陽 柘

乘氏

志一

十

楚漢諸侯疆域志卷一

孫貴會校刊